



Bwrdd Iechyd Prifysgol
Betsi Cadwaladr
University Health Board

Bloc 5, Llys Carlton, Parc Busnes Llanelwy,
Llanelwy, LL17 0JG

Block 5, Carlton Court, St Asaph Business
Park, St Asaph, LL17 0JG

Jack Sargeant, MS
Cadeirydd – Y Pwyllgor Deisebau,
Senedd Cymru,
Bae Caerdydd,
Caerdydd,
CF99 1SN

Ein cyf / Our ref: CS/EG(CE24/0513)

☎: 01745 448788 ext 6382

Gofynnwch am / Ask for: Emma Hughes

E-bost / Email: emma.hughes19@wales.nhs.uk

Dyddiad / Date: 10^{fed} Mai 2024

Annwyl Jack,

Deiseb P-06-1350 Ail-agor Ward Dyfi, Ysbyty Tywyn

Mae'r Pwyllgor wedi gofyn am ddiweddariad ar y ddau faes canlynol:

1) Diweddariad ar ymdrechion i recriwtio, gan gynnwys ymdrechion i recriwtio y tu allan i'r ardal (yn y DU).

Mae ward cleifion mewnol Dyfi yn Ysbyty Tywyn yn parhau i fod ar gau hyd nes y ceir lefel ddiogel o staffio i sicrhau diogelwch cleifion, ansawdd a safonau gofal yn unol â Deddf Lefelau Staff Nyrsio (Cymru) (Medi 2016). Mae recriwtio'n wedi bod yn her sylweddol er gwaethaf ein holl ymdrechion.

Mae'r ymdrechion yn parhau ac mae swyddi yn cael eu hysbysebu'n rheolaidd yn genedlaethol drwy NHS Jobs. Mae ymgyrch recriwtio wedi'i thargedu yn parhau i fod ar y cyfryngau cymdeithasol ac mae cyfleoedd gyrfa wedi'u hysbysebu'n lleol gyda chymorth cymuned Tywyn.

Mae dwy nyrs sydd wedi'u hyfforddi'n rhyngwladol wedi'u recriwtio'n llwyddiannus i swyddi yn Ysbyty Tywyn ac rwy'n falch o adrodd eu bod yn ddiweddar, wedi cwblhau'r cymwyseddau gofynnol i ymarfer yn nyrsys cofrestredig yn y DU. Serch hynny, er mwyn caniatáu i Ward Dyfi ailagor i gleifion mewnol, gyda gofal diogel i gleifion Lefel 1-2 mewn 1-8 gwely 24 awr y dydd, mae angen recriwtio 1.72 WTE Nyrs Gofrestredig (B5) arall. Byddai angen adnoddau staffio ychwanegol er mwyn rheoli cleifion ag aciwtedd uwch, neu i agor rhagor o welyau.

Rwy'n falch iawn bod dwy nyrs ychwanegol sydd wedi'u hyfforddi'n rhyngwladol wedi'u penodi ac mae trefniadau i'r ddwy nyrs hyn deithio i'r DU ar y gweill a'n golwg hefyd ar lenwi'r swyddi gwag sy'n weddill yn ysbyty Tywyn. Nid oes gennym amserlen bendant eto ac wrth gwrs, bydd angen iddynt gwblhau'r cymwyseddau gofynnol ar ôl cyrraedd.

Efallai y bydd gan y Pwyllgor ddiddordeb hefyd yn rhai o'r gwasanaethau a'r camau gweithredu eraill y mae'r bwrdd iechyd yn eu cymryd i sicrhau bod ystod eang o wasanaethau iechyd ar gael i bobl rhanbarth Tywyn.

Cyfeiriad Gohebiaeth ar gyfer y Cadeirydd a'r Prif Weithredwr / Correspondence address for Chairman and Chief Executive:
Swyddfa'r Gweithredwyr / Executives' Office
Ysbyty Gwynedd, Penrhosgarnedd
Bangor, Gwynedd LL57 2PW

Gwefan: www.pbc.cymru.nhs.uk / **Web:** www.bcu.wales.nhs.uk

Mae Swyddfa'r Prif Weithredwr yn croesawu gohebiaeth yn Gymraeg a bydd yn sicrhau y darperir ymateb yn Gymraeg heb oedi.
The Chief Executive's Office welcomes correspondence through the medium of Welsh and will ensure that a response is provided in Welsh without incurring a delay

- Mae gwasanaeth Tuag Adref yn Nhywyn yn cefnogi ail-alluogi cleifion. Mae'n hwyluso rhyddhau cleifion o'r ysbyty i'r cartref yn gynt ac yn cynnig cefnogaeth i osgoi derbyniadau i'r ysbyty lle bo modd. Ers i'r gwasanaeth ddechrau ym mis Mai 2023, cafodd 95 eu cyfeirio at y gwasanaeth. Ym mis Gorffennaf 2023 a mis Ionawr 2024, roedd nifer y galwadau a wnaed yn fwy na 450. Cafwyd adborth cadarnhaol gan staff a chleifion ynghylch y gwasanaeth hwn.
- Ers i'r ystafell driniaeth agor ym mis Mehefin 2023, cofnodwyd 1340 o ymweliadau. Mae mwy na 120 o gleifion yn mynychu'r ystafell driniaeth bob mis. Gwelir nifer o wahanol fathau o achosion gan gynnwys newid dresins, profion gwaed a rheoli cathetr. Mae'r gwasanaeth hwn yn parhau i ehangu wrth i hyfforddiant a chymwyseddau gael eu datblygu. Mae'r gwasanaeth hwn yn cefnogi gwasanaethau sydd eisoes yn bodoli e.e. Nyrso Ardal, yr Uned Mân Anafiadau a phractisau meddygon teulu er mwyn lleihau amseroedd aros, cynyddu capasiti a gwella'r profiad i gleifion. Mae'r ystafell driniaeth yn caniatáu i gleifion gael mynediad at ofal yn nes at eu cartrefi.
- Yn dilyn gweithdy gyda staff yn Ysbyty Tywyn, datblygwyd Hwb Llesiant a gynhelir rhwng 2-4pm bob dydd Iau. Cafwyd adborth cadarnhaol ac mae'r Hwb Llesiant wedi bod yn allweddol wrth gefnogi pobl sy'n unig. Mae nifer o siaradwyr gwadd wedi mynychu'r Hwb Llesiant gan gynnwys;
 - Y Tîm Atal Codymau
 - Gwasanaeth Cynnal Gofalwyr
 - Gofal a Thrwsio Cymru
 - Tan y Maen (Adnoddau iechyd meddwl a llesiant)
 - Therapi cerdd
 - Sesiynau clinig cof

Rydym yn parhau i fod yn ymroddedig i weithio gyda thrigolion a chynrychiolwyr Tywyn. Yn y cyfamser, agorwyd gwelyau ychwanegol yn Ysbyty Dolgellau. Cynhaliodd y bwrdd iechyd weithdy pellach gyda rhanddeiliaid lleol ar 26 Ebrill 2024 er mwyn edrych ar ddatblygu model gwasanaeth cynaliadwy ar gyfer Tywyn a'r cyffiniau. Roedd y mynychwyr yn cynnwys aelodau o grŵp gweithredu'r ysbyty, Cyngor Tref Tywyn, aelod o'r Senedd, yr awdurdod lleol, bwrdd iechyd cyfagos, a staff o'r cartrefi gofal lleol a'r ysbyty. Roedd yn weithdy cynhyrchiol iawn ac mae'r camau gweithredu y cytunwyd arnynt yn cael eu coladu ar hyn o bryd.

2) Manylion am y rheswm dros benderfyniad y Bwrdd Iechyd i dynnu hawl y cyhoedd i ofyn cwestiynau mewn cyfarfodydd cyffredinol yn ôl.

Cynhelir cyfarfodydd bwrdd rheolaidd y bwrdd iechyd yn gyhoeddus, yn yr un modd â holl gyrrff y GIG yng Nghymru ac yn unol â Deddf Cyrff Cyhoeddus 1960.

Mae'r Bwrdd wedi ymrwymo i ymchwilio i dulliau ystyrlon o ymgysylltu â'r cyhoedd gyda chyfleoedd i godi materion ac awgrymiadau mewn nifer o ffyrdd. Ym mis Medi 2023, gofynnodd y bwrdd iechyd am adborth gan y cyhoedd ar sut y gallai'r Bwrdd ymateb yn fwy effeithiol i'w cwestiynau a gofynnodd hefyd am adborth ar brosesau mwy effeithiol gyda LLAIS a sefydliadau partneriaeth eraill. Ar ôl derbyn yr adborth, mae'r dulliau bellach yn cynnwys:

- Pwysleisio drwy gyfarfodydd y Bwrdd ac ar wefan BIPBC bod croeso i gwestiynau unrhyw bryd. Unwaith bob deufis yn unig, y cynhelir cyfarfodydd y Bwrdd ac mae amser i ystyried y materion a godwyd mewn cwestiynau i'r Bwrdd yn brin. Gellir cyflwyno cwestiynau i'r Cadeirydd, y Prif Weithredwr neu drwy'r manylion cyswllt sydd ar gael ar y wefan unrhyw bryd a byddant yn cael ymateb.
- Datblygwyd Adroddiad Profiadau y Dinesydd ar y cyd â LLAIS. Nod yr adroddiad hwn yw rhoi llais rheolaidd i boblogaeth Gogledd Cymru yng nghyfarfodydd y Bwrdd. Fe'i llunnir ar sail profiadau a rennir gan gleifion a gofalwyr â chyswllt a'u heiriolwyr. Mae'r adroddiad hefyd yn ceisio tynnu sylw at unrhyw dueddiadau sy'n dod i'r amlwg. Mae hyn yn caniatáu amser i amlygu llawer o leisiau a materion. Cyflwynwyd yr adroddiad cyntaf ym mis Ionawr 2024 a disgwyllir yr ail ym mis Mai 2024.
- Mae Digwyddiadau Ymgysylltu â'r Gymuned bellach yn cael eu cynnal yn rheolaidd ledled ardal y bwrdd iechyd a chyfle i'r boblogaeth gwrdd â'r Bwrdd mewn lleoliad cymunedol sy'n agos atyn nhw. Mae hyn yn rhoi'r cyfle iddynt glywed am ddiweddariadau ar faterion sy'n ymwneud â'u rhan nhw o Ogledd Cymru a chodi materion sy'n bwysig iddyn nhw. Mae'r lefel hon o ymgysylltu yn cyfrannu at ein dealltwriaeth ni am sut i wella'r gwasanaethau rydym yn eu comisiynu a'u darparu. Ers eu lansio ym mis Ionawr 2024 mae'r bwrdd iechyd wedi cynnal pedwar o'r digwyddiadau hyn. Bydd manylion digwyddiadau'r dyfodol ar gael ar ein gwefan.

Yn gywir



Carol Shillabeer
Prif Weithredwr/Chief Executive